

Umwuzure urashobora kwanduza Iriba ryawe canke isoko

Fata ko amazi yawe yanduye nimba umwuzure warashikiriye iriba ryawe canke isoko ryawe, kandi ntuyakoreshe mu kunywa kugeza umenye ko ari meza. Amazi ashobora kuba atari meza gukoreshwa mu kunywa, guteka canke gusukura inyuma y'umwuzure. Mu gihe no mu nyuma y'umwuzure, amariba vy'igenga n'amasoko birashobora kwandukirwa n'amabagiteri, ibinyabuzima hamwe n'ibindi bicafuza biva mu myanda, ibitoro vyo gushusha, uburimyi, imyanda iva mu ruganda, amasumu, hamwe n'ibindi bintu bishobora gutera indwara zikomeye.

Umwuzure hafi y'iriba ryawe canke isoko

Ntukoreshe amazi yo mw'iriba ryawe canke isoko kugeza abanje gupimwa kandi umenye ko ari meza, cane cane nimba:

- Yari canke yarengewe n'umwuzure canke ari hafi y'umwuzure
- Asosa canke amota nk'ibitoro canke amasumu, canke wikeka ibitoro hafi canke isumu yasesetse

Suzuma sisiteme y'amazi yawe ko zonywe n'umwuzure

Nimba utabonye aho hantu mu gihe c'umwuzure, rondera ubucafu n'ibishanga aho hantu n'amazi canke ivyondo vy'amazi mw'iriba canke mw'isoko. Ibi ni ibimenyetso vyerekana ko sisiteme yawe yarengewe n'umwuzure.

1. Nimba ari vyiza gukora uko, suzuma ibice vy'umuyagankuba:
 - Raba intsinga zidapfutse/intsinga zononekaye canke ibikoresho vy'amatarara.
 - Raba nimba amazi yarinjiye mu gice ico arico cose c'amatarara. Ntukore nku intsinga z'amatarara.
 - Nimba ibifatanya amatara canke ibikinga biri hanze y'iriba canke igisandugu c'isoko kikiri muni y'amazi, ntiwatse ipompo kugeza amazi y'umwuzure agabanutse.
2. Raba ibice vyononekaye bigize sisiteme y'amazi.
 - Suzuma uko iriba ryubatse - ahahenganye/hasadutse, hashobora gutuma amazi, imyanda yinjira mw'iriba no kwongereza ivyago vyo kwandura.
 - Raba neza igifuniko c'iriba hanyuma ushireko igufuri kugira umenye neza ko wugaye neza. Imyanda ishobora kwinjira mw'iriba iciye mu mufuniko utugaye neza.
 - Genzura amategura y'agasandugu n'ibikoresho vyubatswe kugira urabe ko bifatanye kandi biri mu kibanza.

3. Mu gihe umuhora uzana amazi iwawe wononekaye, akura [umukozi abijejwe abifitiye uburenganzira \(ucive ku muhora uri mu congereza\)](#) canke [umuhinga asanzwe aijejwe ibijanye n'amazi mu karere uherereyemwo \(umuhora ngurukanabumenyi uri mu congereza\)](#).
4. Mu gihe ibitoro ukoresha mu gushusha inzu canke ibindi bikoresho vy'ubumara vyamenetse mu kinogo canke mw'isoko ryawe ry'amazi, akura [mu gisata ca Reta ya Vermont kijejwe kubungabunga ibidukikije \(DEC\) \(umuhora mu congereza\)](#) mu gihe c'amasaha y'akazi (isaha 7:45 zo mu gatondo - 4:30 inyuma y'umuhingamo.) kuri 802-828-1138 canke inyuma y'amasaha y'akazi kuri 800-641-5005 kugira umenyeshye ukwo kumeneka. **Kirazira kunywa amazi** mu gihe wiketse ko ibitoro canke ubumara vyamenetse mu kigega cawe c'amazi canke mu gihe amazi yawe asosa canke amotamwo ibitoro canke ubundi bumara.
5. Urashobora kandi kugira ingorane z'ibinogo vyawe vyakira amazi mabi. [Rondera amakuru agufasha gutorera inyishu ibijanye n'ibinogo vyo muhira iwawe bisanzwe vyakira amazi mabi](#). Ku vyerekeye imihora kuri iyi page ja ahagenewe amakuru. Kugira uronke amakuru mu rundi rurimi, akura ikigo kijejwe amazi n'amashamba kuri ANR.CivilRights@vermont.gov canke 802-636-7827.

Nimba iriba ryawe canke isoko vyaratewe n'umwuzure

Udukoko tutaboneshwa amaso twa bagiteri nitwo dukunda guhumanya amazi yo kunywa inyuma y'umwuzure. Bagiteri zirashobora kugutera ingwara. Kirazira kunywa amazi yawe gushika igihe azoba amaze gupimwa.

1. Gushika igihe amazi yawe azoba amaze gupimwa kandi inyishu z'ibipimo zikerekana neza ko bagiteri zo mu bwoko bwa total coliform hamwe na E. coli "batazisanzemwo," **ntuzigere ukoresha amazi yawe** mu bijanye no:
 - Kunywa
 - Guteka
 - Kwoza amasahani
 - Gukora umutobe canke ibarafu
 - Kuronga ivyamwa n'imboga
 - Kwiyugumura
 - Gutegura amata y'umwana
2. Ronka amazi ava mw'isoko rizwi.
 - Uzuzwa amazi ava mw'isoko ryizewe ibikoresho bibika imfungurwa neza, nk'isomero ry'ibitabo ryo mu gisagara, inzu y'igisagara, igisata kijejwe kuzimya umuriro mu mashure, amasengeru canke ibiro vy'igisagara.

- Gura mazi yo mw'icupa.
- Gura amazi ava ku bagurisha menshi kandi wuzuze itangi. Rondera [urutonde rw'ibikoresho bitwara amazi \(umuhora uri mu congereza\)](#) canke urondere interineti “y’abagurisha amazi i Vermont.”
- Nimba udashobora kuronka amazi ava kw’isoko rizwi, **shusha amazi yawe ikiringo c’umunota umwe** kugira wice amabagiteri n’utundi tunyabuzima dushobora kuba mu mazi. Usabwe kumenya ko gushusha amazi gushobora kwegeranya imicafu y’umwuzure, nka nitarate, mbi cane ku bana bato. **Ntukoreshe amazi ashuhije mu gutegura amata y’umwana.** Ntushushe amazi nimba:
 - Amota canke ubona ibimenyetso vy’amavuta mu mazi yawe
 - Wibaza ko hoba hari ibitoro hafi canke amavuta yasesetse
 - Ubona ko amazi yatobetse canke yuzuyemwo imicafu.
- **Nti** wuzuze amazi iriba ryawe ryanduye canke isoko amazi azanywe n’uwuyatwara. Ahubwo, shira amazi mu bikoresho bitonona imfungurwa.

Ni gute wosuzuma amazi yawe yo kunywa

1. Akura isuzumiro ry’igisata kijejwe amagara y’abantu kuri 802-338-4724 kugira usabe ibikoresho vyo gusuzuma ama bagiteri ku madorari \$14.
2. Imbere yo gufata amazi make yo gupima:
 - Kura ivyondo ivyo arivyo vyose ubona, ivu, hamwe n’iyindi myanda hirya no hino y’umunwa w’ikinogo canke ubicishije ku bwate k’irasoro
 - Mu gihe amazi yawe arimwo ivyondo canke yanduye, voma amazi uyakuye mw’ibombo ryo hanze ukoresheje umubira uboheyeko gushika haje amazi asa neza kandi atarimwo imyanda. Ibi bishobora gufata hagati y’iminota 30 gushika ku masaha menshi canke imisi, bitewe n’ubwaguke hamwe n’ubwimbike bw’ikinogo canke bw’isoko hamwe n’urugero ubuhumane bushitseko.
3. Kurikiza amabwirizwa yanditse mu gakarato k’ibikoresho vy’isuzuma. Izere neza ko umusi ufatiye amazi make yo gupima ariwo uyazaniyeko.
4. Jana amazi yo gupima kw’isuzumiro ry’igisata kijejwe amagara y’abantu canke ku biro bikwegereye bijejwe amagara y’abantu kuva ku Wambere gushika ku Wakane. [Raba ikirangamisi \(umuhora mu congereza\)](#) kugira urabe igihe ayo mazi agenewe gupimwa asabwa kuba yagejewe kw’isuzumiro.
5. Utegerezwa kuronswa inyishu z’ibipimo vy’ama bagiteri mu gihe c’imisi ibiri y’akazi.

6. Ntuzigere ukoresha amazi gushika inyishu z'ibipimo zerekanye ko bagiteri zo mu bwoko bwa total coliform hamwe na E. Coli "batazisanzemwo," Voma amazi kw'isoko ryizewe canke uyabize mu gihe c'umunota imbere yo kuyakoresha.

Inyuma yo kuronka inyishu z'ibipimo vy'amazi yawe

- Mu gihe inyishu z'ibipimo vy'amazi yawe zerekanye ko hari ama bagiteri "basanzemwo," [kurikiza amabwirizwa arianye no guhumanura ikinogo cawe canke isoko \(umuhora mu congereza\)](#) inyuma yuko amazi yatewe n'umwuzure amaze gukama. Mu gihe ukeneye gufashwa ku vyerekeye guhumanura ikinogo canke isoko ryawe akura [umukozi abijejwe akwegereye \(umuhora mu congereza\)](#) canke [umuhinga mu bijanye no gusukura amazi \(umuhora mu congereza\)](#).
- Inyuma yo guhumanura ikinogo canke isoko, ongera usuzume amazi yawe uraba ko harimwo ama bagiteri incuro 2 gushika kuri 3 inyuma yuko akamoto ka chlorine kamaze guhera. Akura isuzumiro ry'igisata kijejwe amagara y'abantu kuri 802-338-4724 kugira usabe ibikoresho vyo gusuzuma ama bagiteri ku madorari \$14.